



Inatsisartuni ilaasortaq, Siverth K. Heilmann, Atassut
/Tamassa

**COVID-19-imut attuumassuteqartut takornariartitsisarfirmut
upalungarsimanissamut pilersaarutitut tunngasut § 37-mut tunngasunik
apeqqutinik akissuteqarneq**

Inatsisartut suleriaasianni § 37 najoqqutaralugu maannakkut COVID-19 -mik
nalaataqarnermut attuumassuteqartut takornariartitsisarfirmut
upalungaarsimanissamut pilersaarutit sorliit isumaliutigineqarneri pillugit
Naalakkersuisunut apeqquteqarsimavutit. Apeqqutitit suliaasaqarfigisannit
akineqartussanngorlugit innersuussutaasimapput.

03-04-2020
Sags nr.: 2019 - 14838

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqut 1:

**Nappaassuup Coronavirus annertuumik tuniluunna Nunatsinnut
angulluni silaannakkut imaatigullu unittuussagaluarpat,
takornarialerineramik aallutaqartut allarpasuillumi unittoortussaapput,
tamanna sillimaffiginiarlugu qanoq Naalakkersuisunit takorloorneqarpa?**

Akissut:

COVID-19-imik nalaataqarnermut atatillugu ikiorsiissutit

COVID-19-imik nalaataqarneq nunatsinni suliffeqarfinnut atugassat
imaannaangitsut nassatarai. Suliffeqarfiit amerlasuut kaaviiartitaminni
malunnartumik appariarnermik misigisaqarput, ilaalluni COVID-19-imik
nalaataqarneq atuutsillugu allaat piffissap ilaani matuinnartariaqarput.

Tamatununga ilanngullugu sulisut amerlasuut suliffiup matusariaqarnera
pissutigalugu soraarsineqassagunik suliffigisartik pilersuinerminnullu
tunngavigisartik aamma aarleqqutigaat.

Nalaataqarfik pakkersimasinnaaniarlugu pilertortunik aningaasaqarnikkut
ikiorsiinissaq pisariaqartinneqarpoq.

Taamaattumik qaammatit tullinguuttut pingaasuugallartut ingerlaneranni
namminersortutut inuussutissarsiorfirmik aamma aningaasarsiaqartuusunik
tapersersuisussanik Naalakkersuisut ikiorsiissutit marluk pilersissimavaat.

Inuussutissarsiorfiup tapersersornissaanut ikiorsiissutit

Akunnittarfeqarfiit, neriniartarfeqarfiit, kiisalu kiffartuussiffittut
inuussutissarsiorfiit aalajangersimasut assingusullu iluini namminersortutut

suliffeqarfinnut tunngatitamik ”pilertortumik ikiorsiissutit” pilersinneqarput. Taamaatitaqarnerit annertuut nassatarisaannik maannakkumiilli suliffeqarfiit taakku aningaasaqarnermikkut pilertortuusunik tamaviaarfissaqalerput. Taamatuttaaq suliffeqarfinnut matuneqarallarnissaannik peqqussuteqarfigisaasunut pisoqarpoq.

Aamma suliaqarfiusuni allani, ilanngullugit aalisarnermik suliaqarfiusoq, sanaartornermik suliaqarfiusoq assartugaqarnermillu suliaqarfiusoq allallu aningaasaqarnikkut ajornartorsiutaasunik piaartumik sunniuteqartumillu pakkiisussamik ”tamatigoortutut inuussutissarsiorfimmu ikiorsiissutit” pilersinneqarsimapput.

Suliffeqarfiit kaaviiartitaminni minnerpaamik 30 pct.-inik annaasaqartut taamaatitsinernut toqqaannartunut, imaluunniit suliffeqarfiup aalajangersimasutut aningaasartuutaannut taarsiissuteqarnissamut qinnuteqarsinnaaneritut ikiorsiissutit taakku tamamik periarfissartaqarput.

Tamakkut saniatigut inuussutissarsiorfinnut ikiorsiissutit toqqammavigisaasa iluanni akisussaaffilikkatut atorniarnissamut aaqqiisummik suliffeqarfiit neqeroorfigineqarsinnaapput.

Inuussutissarsiorfimmu ikiorsiissutini qaammatikkaanut suliffeqarfinnut ataasiakkaanut tamanut taarsiisummik aamma/imaluunniit atorniarnermik 1 mio. kr.-mik annertunerpaatut ikiorsiisoqarsinnaavoq.

Manna tikillugu pilertortutut ikiorsiissutinut 50 mio. kr.-t, aamma tamatigoortutut inuussutissarsiorfimmu ikiorsiissutinut 100 mio. kr.-t immikkoortinneqarput.

Suliffeqarfinni namminersortuni sulisartunik tapersersuinissamut ikiorsiissutit

Kalaallit Nunaanni aningaasarsialinnut taakkununnga, namminersortutut suliffeqarfiit COVID-19-imik nalaataqarnerup nassatarisaannik soraarsinnissaannut taarsiullugu angerlartinnissaannik toqqagaannut aningaasarsianut aningaasartuutit taarsiissuteqarfiginissaannut koruunit 107 mio. immikkoortinneqarput.

COVID-19-imik immikkut ittumik atugaqarfimmik aniguinissamut inuussutissarsiorfiup tapersersornissaanut pilersitaq alla Naalackersuisut aallartitaat tassaavoq akileraarutininik akitsuutinillu il.il. suliffeqarfiit akiliuteqarnissaannut killiliussat sivitsornissaat.

Akileraarutinin akitsuutinillu il.il. akiliuteqarnissamut killiliussanik sivitsuinissamik, taamaalillunilu suliffeqarfiit akiliisinnaassuseqarnerminnik nukittorsaanissamut periarfissillugit Naalakkersuisut pisussaaffigiligaanerannik pilersitaq nassataqartitsivoq.

Inuussutissarsiorfimmut ikiorsiissutit, soorlulusooq sulisartunut ikiorsiissutit (suliffeqarfinnut namminersortunut aningaasarsianut taarsiissutit) ataanni ikiorsiissutit ataasinngorneq 23. marsi 2020, nal. 12.00-imi qinnuteqartoqarsinnaavoq. Qinnuteqarnissamut aqqutit inuussutissarsiorfimmut nittartagaq, www.businessingreenland.gl (www.big.gl), aqqutigalugu pissaaq, tassaniipporlu COVID-19-imut toqqagassaasumi ikiorsiissutinut assigiinngitsunut taakkununga linki aqqutissaq.

Tamatuttaa q ikiorsiissutit imarisaannik qinnuteqarnissamullu najoqqutassanik nassuiaatit www.big.gl-imi ipput.

Apeqqu 2:

Apeqqu 1-imut atatillugu, takornarialerisut Hotel-iutillit il il pigisaminnut akiligassaat uninnaviangillat, allaallumi akiliisinnaajunnaarnerannik kinguneqarsinnaalluni, tamanna sillimaffiginiarlugu qanoq Naalakkersuisut pilersaaruteqat?

Akissut:

Apeqqu 1-imiittoq akissut takuuk.

Inussiarnersumik inuulluaqqusillunga
Med venlig hilsen


Jess Svane